

Матфеин 1 бөлг.

1. Иисус Христосин төрлһн, Давида Көвүнэ, Авраамин Көвүнэ.
2. Авраамас Исаак төрв, Исаакас Иаков төрв, Иаковас Иуда ахнр дүүнртәһән төрв.
3. Иуда Фаресиг болн Зараг Фамариас төрв. Фарес Есромиг төрв, Есром Арамиг төрв.
4. Арам Аминадавиг төрв, Аминодав Нассониг төрв, Нассон Салмониг төрв.
5. Салмон Раавас Воозиг төрв. Вооз Руфиас Овидиг төрв. Овид Иессиг төрв.
6. Иессей Давид хааг төрв. Давид хан Уринас өмн бээсн гергнәсн Соломониг төрв.
7. Соломон Ровоамиг төрв, Ровоамас Авий төрв, Авияс Асу төрв.
8. Аса Иосафатиг төрв, Иофамас Иорам төрв, Иорамас Озия төрв.
9. Озияс Иофам төрв, Иофамас Ахаз төрв, Ахазас Езекия төрв.
10. Езекияс Манассия төрв, Манассиас Амон төрв. Амонас Иосия төрв .
11. Иосияс Иоаким төрв , Иоаким Вавилонур нүүхиннь өмн Иехония ахнр дүүнртәһән төрв.
12. Вавилонд нүүһэд ирснэ хөөн Иехонияс Салафиил төрв. Салафиияс Зоровавель төрв.
13. Зоровавеляс Авиуд төрв, Авиудас Елиаким төрв.Елиакимас Азор төрв.
14. Азорас Садок төрв, Садокас Ахим төрв, Ахимас Елеуд төрв.
15. Елеудас Елеазар төрв, Елеазарас Матфан төрв. Матфанас Иаков төрв.
16. Иаков Иосифиг төрв, Мариян аваль, Марияс Иисус төрв, Христос гидг нертә.
17. Тегэд, цуг төрлһн иим билә: Авраамас Давид күртл 14 төрл, Давидас Вавилонд күртлнь 14 төрл, Вавилонд нүүһэд ирхлән — 14 төрл.
18. Иисус Христосин төрлһн иим билә. Иисусин эк Мария Иосифин келсн күүкн, Эрүн Сәкүснәс күндрснь Иосифтә нииләд угаднь медгдв.
19. Терүнә залунь Иосиф чиктән бээдг Бурхна күн, му нер зүүх санан уга билә, күүнд медүллго келсн күүкән Марияг хэрү йовулх саната билә.

20. Терүнэ тускар санад бээхлэнь, зүүднднь Деед Эзнэ элч ирэд келв: «Иосиф, Давида Көвүн! Марияг гертэн орулхдан бичэ э, юңгад гихлэ терүнд бээсн Көвүн Эрүн Сәкүснәс.

21. Мария Көвү һарһх, чи Терүнд Иисус гидг нер өгхч, яһад гиихлэ Тер эврәннь улсиг килнцәс аврах.»

22. Бурхна Сәкүснә келсәр болв, юңгад гихлэ Бурхна келсиг әәлдәч медүлв:

23. «Күүкн күндрәд, Көвү һарһх, нернь Эммануил болх, нернә чинрнь «Бурхн маднла.»

24. Эрүн серчкәд, Иосиф Бурхна эльчин келсәр кев. Эн Марияг гертән орулв. Мария эврәннь ууһн Көвүһән эс һартл, авальтаһан унтсн уга, Иосиф ууһн көвүндән Иисус гидг нер өгв.